

1. UVOD

1.1. Predmet i problem istraživanja

Predmet istraživanja ovog master rada je već može se reći definisan naslovom rada, to jeste u sažetku master rada, što znači da se radi o ubistvu kao posebnom obliku krivičnog djela, s tim da će akcent istraživanja biti usmjeren na pravni aspekt ubistva kao krivičnog djela, u svom pojmovnom definisanju upoređujući zakonodvstva određenih država. Treba imati u vidu i činjenicu da su zemlje bivše Jugoslavije egzistirale u zajedničkom pravnom sistemu da bi poslije raspada ove zajedničke država svaka republika sa sticanjem nezavisnosti dobila i vlast da sama uređuje svoje pravne sisteme, tako da se oni danas neznatno i razlikuju ovisno od države do države što ćemo imati prilike vidjeti u ovom master radu.

1.2. Osnovna hipoteza i pomoćne hipoteze

Polazeći od naprijed navedenog predmeta i problema istraživanja definisana je i osnovna hipoteza koja glasi:

Kvalifikacija ubistva kao krivičnog djela predstavlja efikasnu i najvažniju pravnu zaštitu koja za cilj ima sprečavanje lišenja života drugog lica.

Iz glavne hipoteze proizilaze sljedeće pomoćne hipoteze:

PH1: Kvalifikacija ubistva kao krivičnog djela ima za cilj preventivno djelovanje na potencijalne počinioce da odstupe od svojih namjera.

PH2: Krivično djelo ubistva se neznatno razlikuje u zakonodavstvima savremenih pravnih sistema.